

Hujan Lebat Tidak Halang Kelancaran 7K Ocean Edu-Walk

Terakhir dikemaskini: Khamis, 20 Julai 2017 17:54 | [Cetak](#) | Jumlah paparan: 391

Kongsi 0

Syorkan 0

Kongsi

Tweet

Share



KHAMIS, 20 JULAI – Hujan lebat tidak menghalang seramai 192 peserta menyertai acara *7K Ocean Edu-Walk* yang dianjurkan sempena kemuncak sambutan *World Oceans and Coral Triangle Month* baru-baru ini.

Bermula di ruangan tempat letak kenderaan di Institut Penyelidikan Marin Borneo (IPMB), acara itu membawa para peserta beriadah secara santai dengan berjalan kaki sejauh tujuh kilometer mengelilingi kampus sebelum tamat di Jeti UMS.

Menurut urusetia pengajur, Flora Anne Asalin, ia merupakan salah satu usaha bagi meningkatkan kesedaran mengenai kepentingan laut dan hidupan marin sekali gus membudayakan amalan hidup

sihat dalam kalangan masyarakat setempat.

“Setiap peserta yang mengikuti acara ini telah membayar yuran penyertaan sebanyak RM30 dan menerima baju untuk dipakai semasa acara berlangsung selain sijil, cenderahati serta peluang untuk memenangi hadiah cabutan tiket bertuah.

“RM5 daripada setiap pungutan yuran disumbangkan kepada Unit Kajian Alga Bahaya untuk tujuan membantu pembiayaan kos operasi penyelidikan yang menyaksikan sebanyak RM960 berjaya dikumpulkan untuk tujuan tersebut,” katanya ketika ditemui media.

Dianjurkan IPMB dengan kerjasama *Coral Triangle Initiative* (CTI) Sabah, acara itu telah disertai orang awam, pelajar dan kakitangan UMS.

Oleh Rodzmidzi Abdul Latif (Pelajar Latihan Industri BPK)